

Na osnovu člana 72. Zakona o javnim nabavkama u BiH (Službeni glasnik BiH br. 39/14), člana 7. alineja b) Pravilnika o postupku direktnog sporazuma (Službeni glasnik BiH br. 90/14), člana 10. stav (1) alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 12-1410-3/18. od 06.11.2018.god., ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul. Aleja Bosne srebrene br.7., registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević, (u daljem tekstu: Ugovorni organ) i
2. **„GRANULO-RE“ d.o.o. iz Sarajeva, ul. Bojnička br.47.**, registrovan kod Općinskog suda u Sarajevu (MBS: 1-9068), JID broj 4200004570000, PDV broj 200004570000, porezni broj: 01354009, koga zastupa Direktor Granulo Ramiz ( u daljem tekstu: Vršilac usluga)

Dana, 06.11.2018.godine, u Sarajevu, zaključuju:

### **UGOVOR O IZVRŠENJU USLUGE pregleda i kontrolnog ispitivanja protivpožarnih aparata i hidrantske mreže**

#### Član 1.

Ugovorne strane su saglasne da će Izvršilac usluga za potrebe Ugovornog organa izvršiti uslugu periodičnog pregleda i kontrolnog ispitivanja protivpožarnih aparata i hidrantske mreže u objektima Ugovornog organa i to:

1. Kontrolni pregled i ispitivanje protivpožarnih aparata (novembar 2018/2019/2020.godine i maj 2019/2020/2021.godine).
2. Kontrolni pregled i ispitivanje ispravnosti i funkcionalnosti hidrantske mreže, odnosno ispitivanje hidrostatičkog i hidrodinamičkog pritiska hidrantske mreže (novembar 2018/2019/2020.godine i maj 2019/2020/2021. godine)

a sve prema zahtjevima Ugovornog organa iz Zahtjeva za ponudu broj: 12-1410-1/18 od 31.10.2015.godine i Ponudi Izvršioca usluga broj: 594-11/18 od 02.11.2018. godine, protokolirana kod ugovornog organa pod brojem: 349/3481 od 05.11.2018.godine koji čine sastavni dio ovog Ugovora.

#### Član 2.

Ugovorenim uslugama će biti obuhvaćeno servisiranje ukupno **60 aparata** za gašenje požara i to: 46 aparata tipa S-6, 1 aparat tipa S-9, 11 aparata tipa CO2-5, 1 aparat tipa S-2 i 1 aparat S3 MBK, dok će ispitivanje ispravnosti i funkcionalnosti hidrantske mreže obuhvatiti ukupno **28 hidranata**, odnosno ispitivanje hidrostatičkog i hidrodinamičkog pritiska hidrantske mreže, pregledom 24 unutrašnjih i 4 vanjskih hidranata u prostoru Ugovornog organa.

#### Član 3.

Ukupna ugovorena cijena predmetne usluge, iznosi **2.569,00 KM bez PDV-a**, odnosno **3.005,73 KM sa PDV-om**.

Ugovorena vrijednost predmetne usluge je fiksna do kraja izvršenja Ugovora.

#### Član 4.

Ugovorne strane su saglasne da se plaćanje predmetne usluge izvrši nakon obavljene usluge, u roku od 30 dana od dana prijema fakture, na transakcijski račun Izvršioca usluge broj: 1540012000118921, otvoren kod Intesa Sanpaolo Banke Sarajevo.

#### Član 5.

Ugovorne strane su saglasne da se usluga pregleda i kontrolnog ispitivanja protivpožarnih aparata i hidrantske mreže, odnosno ispitivanje hidrostatičkog i hidrodinamičkog pritiska hidrantske mreže izvrši u novembru mjesecu 2018./2019./2020. godine do 28.11.2018./2019./2020.godine i maju mjesecu 2019./2020./2021. godine do 28.05.2019./2020./2021. godine.

Ugovorne strane su saglasne da će se servisiranje protivpožarnih aparata izvršiti u prostoru Ugovornog organa i Izvršioca usluga uz obavezu istog da obabjedi zamjenske aparate u objektima Ugovornog organa dok servisiranje traje.

Izvršilac usluge se obavezuje i garantuje da će ugovorene usluge izvršiti prema važećim zakonskim i podzakonskim propisima (Zakon o zaštiti od požara i vatrogastvu Službene novine Federacije BiH br.64/09, Pravilnik o izboru i održavanju aparata za gašenje požara koji se mogu stavljati u promet sa garantnim rokom i rokom servisiranja Službene novine Federacije BiH br. 46/11, Pravilnik o tehničkim normativima za vanjsku i unutrašnju hidranstsku mrežu za gašenje požara Službene novine Federacije BiH br. 87/11 i drugi važeći propisi), te standardima i pravilima struke.

#### Član 6.

Izvršilac usluge je obavezan da o izvršenim pregledima, ispitivanjima, servisiranju, funkcionalnom pregledu i drugim radovima, u roku od 3 dana od izvršene kontrole, dostavi Ugovornom organu izvještaj o ispravnosti uređaja, opreme, sistema i aparata, njihovoj efikasnosti, sa pratećom dokumentacijom, kao i zapisnik o stručnom nalazu.

#### Član 7.

Poslove na servisiranju protivpožarnih aparata i hidrantske mreže u članu 1. ovog Ugovora, izvršavat će ovlaštena stručna lica Izvršioca usluga.

U slučajevima kada se aparat za gašenje požara ne može dovesti u ispravno stanje Izvršilac usluge je dužan da izvrši opravku istog.

Izvršilac usluge garantuje blagovremeno i kvalitetno izvršenje usluge, a u slučaju reklamacije na nekvalitetno obavljenju uslugu, obavezuje se na ponovno izvršenje iste o svom trošku.

Potrebni rezervni dijelovi će biti obračunati po stvarnom utrošku i važećim cijenama i za iste će se ispostavljati poseban račun.

Izvršilac usluge se također obavezuje da će ugovorenu uslugu obaviti u propisnom roku iz člana 5. ovog Ugovora, kako bi se ispoštovala zakonske obaveze, sa garancijom mogućih hitnih intervencija isti, a najkasnije naredni dan od prijema poziva na intervenciju. Rokove vršenja usluga, prati Izvršilac usluge.

#### Član 8.

Ugovorne strane su saglasne da se na recepciji Ugovornog organa vodi knjiga izvršenih usluga i intervencija, u koju će neposredni Izvršilac usluge i predstavnik Ugovornog organa upisivati podatke o izvršenim uslugama i intervencijama, kao i o utrošku rezervnih dijelova i materijala.

#### Član 9.

Ugovorni organ se obavezuje da stručnim licima Izvršioca usluge omogući nesmetan pristup protivpožarnim aparatima i hidrantima radi izvršavanja ugovorenih obaveza.

#### Član 10.

Ugovorne strane su saglasne da se u periodu važenja ovog Ugovora, cijene usluga precizirane članom 3. stav 1., neće mijenjati.

#### Član 11.

Ovaj ugovor se primjenjuje od dana obostranog potpisivanja.

#### Član 12.

Izmjene i dopune ovog Ugovora mogu se vršiti u pismenoj formi, uz saglasnost ugovornih strana.

#### Član 13.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

#### Član 14.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

#### Član 15.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

IZVRŠILAC USLUGA:

Broj: 41-11/18  
Sarajevo, 12.11.2018.

JA

UGOVORNI ORGAN:

Broj: 12-1410-5/18  
Sarajevo, 06.11.2018.godine

